

Bojak ñan Oktak ko ilo Injuran eo an OHP Alikin Idin Jorrān eo kin COVID-19



Injuran ibben Oregon Health Plan (OHP) ilo len Idin Nañinmij eo kin COVID-19

Ilo ien idin nañinmij eo kin COVID-19, kwōmaron bōke wōt injuran eo am ibben Oregon Health Plan (OHP) kin oktak ko ilo bebe eo, jekdoñ ejako am maron tōbrak kin jekjek ko ilo mour eo am, einwōt ñe elablok kolla ko am.

[Jibed ijin ñan riit elablok kin injuran eo an OHP ilo ien idin nañinmij eo kin COVID-19.](#)

Alikin idin nañinmij eo kin COVID-19, enaj jemlok oktak ko ilo bebe eo an jidik idin

Tōkelik ilo yiō in, oktak kein an jidik ien ilo bebe eo renaj jemlok. Ilo ien mennin enaj walok, Oregon Health Authority (OHA) enaj jino etale an ro uwaan OHP maron tōbrak ñan lolorjak ke ro uwaan bebe eo rej maron wōt tōbrak ñan OHP. Madmōdin etale in enaj jemlok ilo an bōjrak injuran eo an OHP ñan ro uwaan bebe eo im ejako aer maron tōbrak.

Kim kōnaan bwe kwōn bojak ñan ien eo mennin enaj jinoe ñan lolorjak ke kwe im rimweo imōm renaj maron wōt deloñ ilo OHP ak bōke juon injuran in taktō ekāāl.

Ta eo ij aikuj kōmmāne kiō ñan bojak?

Loor buñten kein:

1. **Kōkkāāl melele in kebaak ko am** – Ba tōk ñan kim ien eo wōt ñe enaj wōr oktak ilo atorej, email, nombā in talebon ak kolla eo am.

Kwōmaron ripoot kin oktak ko ñan OHP:

- **Online:** Deloñ ilo akkoun in ONE eo am ilo am [ale ONE.Oregon.gov](http://ale.ONE.Oregon.gov).
- **Jede lok:** Armij remaron etal ñan jabdewōt Opij ko an Rūtto im Armij ro ewōr aer Utamwe, Opij ilo Jikin eo an Rūtto ak Jibañ an Armij Make Mour, jabdewōt jikin ilo Oregon, ñan aer bōk jibañ. [Jibed ijin ñan bukoōt obij eo ilo jukjukinbed eo am.](#)

- **Ilo talebon:** 1-800-699-9075 (TTY 711) Mande-Bolaide 7 awa jibbon ñan 6 awa jota. (Awa in PST). Ilo törre in ediktata ien köttar ilo jibbon jen 7 mae 8 awa jibbon.
- [Jibed ijin ñan riiti wāween ko relablok ñan kōjella kin oktak.](#)

2. Lale mael eo am – Wōnmaanlok in lale mael eo am im jilkintōk ñan kim melele ko kim ej kajitōki.

Kwar ke loe juon letā kin OHP eo am?

Kwōmaron loe juon letā ilo mael kin OHP eo am. Kim ej jilkinlok letā in bar kōkkāāl ko aoleb yiō ko ewōr am OHP. Jouj im uwaake letā eo kim ej kajitōk ibbam kin melele ko relablok, einwōt kein kamool kin kolla.

Letā eo enaj ba ñan kwe ta ko kwōn jilkintōk ñan kim im ñaat eo kwōn jilkintōk. Ilo ien am loe letā eo am, kōmmāne ta eo ej ba ien eo wōt.

Kwōaikuj ke jibañ kin am uwaake letā eo am?

- **Jede lok:** Ebōk jibañ jen juon jikin eo ej jermal ibbed ilo jukjukinbed eo im ewōr an melele kin men kein. Lale OregonHealthCare.gov ñan bukōt ro rej jermal ibbed ilo jukjukinbed im rej bed ilo jikin eo am.
- Lale ODHS Aging and People with Disabilities (Rütto im Armij ro ewōr aer Utamwe) ak opij ko rej jibañ an armij make mour, ak Opij eo an Area Agency on Aging (jikin eo ej Jibañ Rütto, AAA). Kall lok mokta jen am etal. [Jibed ijin ñan bukōt obj eo ilo jukjukinbed eo am.](#)
- **Ilo talebon:** 1-800-699-9075 (TTY 711) Mande-Bolaide 7 awa jibbon ñan 6 awa jota. (Awa in PST). Ilo törre in ediktata ien köttar ilo jibbon jen 7 mae 8 awa jibbon

Kajitōk im Uaak ko

Etke ro uwaan OHP rar maron kōjermal wōt OHP eo aer ilo ien idin nañinmij eo kin COVID-19?

Ilo Amedka, ritel ro an aelon eo rar kōjella kin juon idin nañinmij kin COVID-19 an federal kin jorrān eo an COVID-19 im ear jelōte aoleben lal in.

Kin idin nañinmij eo kin COVID-19 an federal, kien eo an federal ear kōmelim an Oregon kōmman oktak ilo bebe ko ñan kejbarok an ro uwaan OHP maron kōjerbale wōt jekdoñ ejako aer maron tōbrak in kōjerbale.

Iar roñ ke Idin Nañinmij eo ej Ajeeded ilo Oregon ej jemlok ilo Ebrol 1, 2022. Ej ke melelein enaj wōr oktak ñan aoleb injuran ko an ro uwaan OHP?

Jab, ejab. Kōjella eo kin idin nañinmij eo kin COVID-19 ilo Oregon im ej jemlok ilo Ebrol 1, 2022 ebañ jelōt injuran eo an OHP.

Ta eo enaj walok ñan ro uwaan OHP ilo ien etale maron tōbrak?

Ilo ien eo kien eo an federal enaj kōjella ke ejemlok idin nañinmij eo an federal kin COVID-19, oktak ko an jidik ien ilo bebe eo im rar kejbarok an ro uwaan OHP maron kōjerbale wōt OHP enaj jemlok. Aoleb ro uwaan OHP ibelakin state eo renaj bar etale aer maron tōbrak ñan injuran in. Ilo ien am bar kōkkāāl OHP eo am, kim naj jilkinwaj juon letā.

- Aoleb renaj loe juon letā ilo ien ko roktak.
- Kim maron kajitōk am jilkintōk kein kamool kin juon men eo kwar ba tōk ñan kim ñe ejab kamool ke ejimwe wōt melele ko am, einwōt joñan kolla ko am.

Ro uwaan bebe eo ejako aer maron tōbrak ñan OHP remaron luuji OHP eo aer.

Ñaat eo enaj jinoe etale eo ñan maron tōbrak?

Kim ejab jelā kin jejetin raan eo etale eo ñan maron tōbrak enaj jinoe. Enaj jinoe ilo ien eo kien eo an federal enaj kōbōjrak idin jorrāān eo an federal kin COVID-19.

Kajojo idin jorrāān an federal kin COVID-19 ej jejet kūtien iomwin 90 raan, ak 3 allon. Kien eo an federal emaron kaitōklok idin jorrāān eo kin COVID-19, im melelein enaj jejet kūtien iomwin bar 90 raan. Ñe kien eo an federal ejab kaitōklok idin jorrāān eo kin COVID-19, enaj bōjrak.

Kien eo an federal enaj kōjellaik Oregon jab diklok jen 60 raan, ak 2 allon mokta jen an jemlok idin jorrāān eo an federal kin COVID-19.

Ta eo imaron kōmmāne ñe ejako aō maron tōbrak ñan OHP?

Ñe kwōjab maron tōbrak ñan aoleben jibañ ko an OHP, kwōmaron ebōk injuran in taktō kin jibañ in jāān ilo Jikin Makūt in Injuran in Taktō ilo Oregon. Lale OregonHealthCare.gov/WindowShop ñan lale ta bebe ko kwōmaron kōmmāne im lale wāween ko kwōmaron bōk wonnen ko rediklok.

Kwōmaroñ bōk peba in ilo bar jet kajin, jeje ko relab, jeje ko an ripilo ak ilo juon wāween eo kwōkōṇaan. Kwōmaron bar kajitōk juon riukok. Ejellok wonnen jibañ in. Kūrlōk 800-699-9075 ak 711 TTY.

Kim ej ebōk kall ko an ro rejaroñroñ ak repilo.

OHP.Oregon.gov